

Na osnovu člana 7. stav 5. Zakona o igrama na sreću („Službene novine Federacije BiH“ br. 48/15 i 60/15), na prijedlog Federalnog ministarstva finansija - Federalnog ministarstva financija, Vlada Federacije Bosne i Hercegovine, na 30. sjednici održanoj dana 12.11.2015. godine, donosi

UREDBU

O KRITERIJIMA ZA UTVRĐIVANJE KORISNIKA I NAČINU RASPODJELE DIJELA PRIHODA OSTVARENIH PO OSNOVU NAKNADA ZA PRIREĐIVANJE IGARA NA SREĆU

POGLAVLJE I. – OSNOVNE ODREDBE

Član 1.

Ovom Uredbom propisuju se kriteriji za utvrđivanje korisnika i način raspodjele dijela prihoda ostvarenih u budžetu Federacije Bosne i Hercegovine (u daljem tekstu: „Federacije“) po osnovu naknada za priređivanje igara na sreću, koje se uplaćuju u skladu sa Zakonom o igrama na sreću („Službene novine Federacije BiH“, br. 48/15 i 60/15, u daljem tekstu: „Zakon“).

Član 2.

(1) Dio prihoda ostvarenih po osnovu naknada za priređivanje igara na sreću iz člana 7. stav 3. Zakona (u daljem tekstu: „sredstva od igara na sreću“), raspodjelit će se za finansiranje programa i projekata koji se odnose na:

- 1) liječenje i rehabilitaciju teško oboljele djece i mladih koje je jedino moguće da se provodi van Bosne i Hercegovine i to na osnovu propisa iz oblasti zdravstvenog osiguranja kojima se uređuje ova oblast, kao i liječenje i rehabilitacija teško oboljele djece i mladih čije se liječenje finansira iz Fonda solidarnosti;
- 2) zaštitu prava djeteta koja su žrtve zlostavljanja, pedofilije, prosjačenja,
- 3) zadovoljavanje potreba lica sa invaliditetom u smislu poboljšanja životnih uslova i rada njihovih organizacija,
- 4) učestvovanje u liječenju, prevenciji i borbi protiv ovisnosti o drogi, alkoholu, igrama na sreću i kocki,
- 5) smještaj i utočište žrtvama torture i nasilja (sigurne kuće),
- 6) promoviranje kulture,
- 7) promicanje razvoja profesionalnog i amaterskog sporta u cilju povećanja sredstava fonda za nagrađivanje za istaknute sportske rezultate,

- 8) promoviranje tehničke kulture i udruženja koja se bave inovacijama za nagradni fond za nagrađivanje inovatora za inovacije od međunarodnog značaja,
 - 9) rad javnih kuhinja,
 - 10) organizovanje akcija dobrovoljnog darivanja krvi, odnosno promociju dobrovoljnog davalaštva krvi.
- (2) Korisnici sredstava od igara na sreću za finansiranje programa i projekata iz stava 1. ovog člana, mogu biti udruženja građana i humanitarne organizacije sa sjedištem na teritoriji Federacije Bosne i Hercegovine, koje su osnovane u skladu sa važećim propisima o udruženjima i fondacijama.

Član 3.

- (1) Svi programi i projekti iz oblasti navedenih u članu 2. ove Uredbe koji se finansiraju iz sredstava od igara na sreću, moraju ispunjavati opće kriterije iz člana 4. ove uredbe i posebne kriterije koje u konkursnoj proceduri utvrđuju federalna ministarstva nadležna za oblast na koju se odnose predloženi programi i projekti (u daljem tekstu: „nadležna ministarstva“).
- (2) Posebnim kriterijima iz stava (1) ovog člana, nadležna ministarstva će propisati da će prilikom bodovanja i izrade rang liste korisnika iz člana 9. ove Uredbe, prednost imati projekti i programi predloženi od strane korisnika sredstava koji su registrovani za obavljanje djelatnosti iz oblasti čije se finansiranje predlaže raspisanim javnim konkursom.*¹

Član 4.²

- (1) Sredstva od igara na sreću usmjeravaju se za finansiranje projekata i programa na osnovu sljedećih općih kriterija:*
- 1) broj kalendarskih godina poslovanja korisnika sredstava,*
 - 2) broj realizovanih programa i projekata koji su finansirani od strane drugih organa uprave,*
 - 3) preporuke stručnjaka ili nadležne institucije koji su imali učešća u izradi predmetnog projekta,*
 - 4) učešće vlastitim sredstvima u finansiranju predmetnog projekta,*
 - 5) broj pozitivnih izvještaja iz ranijeg perioda za dodijeljena sredstva u skladu sa ovom Uredbom.*
- (2) Nadležna ministarstva će, u roku od 30 dana od dana početka primjene ove Uredbe, donijeti i objaviti na svojim web stranicama upute o podnošenju prijava na javni konkurs i dostaviti ih Federalnom ministarstvu finansija.*

¹ Službene novine Federacije BiH broj 11/17

² Službene novine Federacije BiH broj 87/22

(3) Uputa iz stava (2) ovoga člana, minimalno sadrži posebne kriterije iz člana 3. stava (1) ove Uredbe, način bodovanja općih i posebnih kriterija, način i uslove utvrđivanja procenta raspodjele predmetnih sredstava za svaki program iz svoje nadležnosti propisan u članu 2. ove Uredbe, potrebnu dokumentaciju kao dokaz ispunjenosti uvjeta i obrazac/zahtjev za prijavu na javni natječaj.

POGLAVLJE II. – PROCEDURA ZA RASPODJELU SREDSTAVA OD IGARA NA SREĆU

Član 5.

(1) Raspodjelu sredstava od igara na sreću iz člana 2. ove Uredbe, predlažu nadležna ministarstva, na način kako slijedi:

- 1) Federalno ministarstvo rada i socijalne politike - raspodjelu **20%**³ od ukupnog iznosa prikupljenih sredstava od igara na sreću, radi finansiranja projekata i programa iz člana 2. stav 1. tač. 3., 5. i 9. ove Uredbe
- 2) Federalno ministarstvo nauke i obrazovanja - raspodjelu 15% od ukupnog iznosa prikupljenih sredstava od igara na sreću, radi finansiranja projekata i programa iz člana 2. stav 1. tač. 2. i 4. ove Uredbe
- 3) Federalno ministarstvo kulture i sporta - raspodjelu **40%**⁴ od ukupnog iznosa prikupljenih sredstava od igara na sreću, radi finansiranja projekata i programa iz člana 2. stav 1. tač. 6. i 7. ove Uredbe
- 4) Federalno ministarstvo zdravstva - raspodjelu **15%**⁵ od ukupnog iznosa prikupljenih sredstava od igara na sreću, radi finansiranja projekata i programa iz člana 2. stav 1. tačka 1. i **10.**⁶ ove Uredbe
- 5) Federalno ministarstvo razvoja, poduzetništva i obrta - raspodjelu **10%**⁷ od ukupnog iznosa prikupljenih sredstava od igara na sreću, radi finansiranja projekata i programa iz člana 2. stav 1. tačka 8. ove Uredbe.

³ Službene novine Federacije BiH broj 87/22

⁴ Službene novine Federacije BiH broj 87/22

⁵ Službene novine Federacije BiH broj 11/17

⁶ Službene novine Federacije BiH broj 11/17

⁷ Službene novine Federacije BiH broj 87/22

Član 6.

- (1) Raspodjela sredstava od igara na sreću vrši se jednom godišnje, nakon provedenog postupka po javnom konkursu za dodjelu sredstava (u daljem tekstu: "Javni konkurs"), koji za raspodjelu sredstava prikupljenih u prethodnoj godini raspisuju nadležna ministarstva, najkasnije do 31. januara tekuće godine.
- (2) Javni konkurs mora sadržavati opće kriterije za dodjelu sredstava propisane u članu 4. ove Uredbe, kao i posebne kriterije za dodjelu sredstava koje utvrđuju nadležna ministarstva.
- (3) Javni konkurs se objavljuje u najmanje dva dnevna štampana lista dostupna na teritoriji Federacije, kao i na internet stranicama svih nadležnih ministarstava.

Član 7.

- (1) Federalno ministarstvo finansija – Federalno ministarstvo financija (u daljem tekstu: "ministarstvo finansija") će najkasnije do **10. februara**⁸ tekuće godine, svim nadležnim ministarstvima pojedinačno dostaviti informaciju o ukupnom iznosu sredstava za raspodjelu, prikupljenih na posebnim transakcijskim računima u prethodnoj godini.
- (2) Ukupan iznos sredstava za raspodjelu korisnicima koji je sadržan u svakom pojedinačnom prijedlogu nadležnih ministarstva dostavljenom Vladi Federacije u skladu sa ovom Uredbom, **ne smije biti veći od iznosa sredstava koji je naveden**⁹ u informaciji iz stava 1. ovog člana.

Član 8.

- (1) Udruženja građana i humanitarne organizacije, kao nosioci programa i projekata, podnose zahtjeve za dodjelu sredstava nadležnom ministarstvu u roku koji je određen javnim konkursom.
- (2) Zahtjev za dodjelu sredstava sadrži sljedeće podatke:
 - 1) naziv udruženja ili organizacije, sa osnovnim podacima;
 - 2) imena lica odgovornih za realizaciju programa-projekata;
 - 3) broj transakcijskog računa;
 - 4) realizovani programi - projekti;
 - 5) naziv programa-projekta;
 - 6) oblast na koju se program-projekat odnosi;
 - 7) opis programa-projekta sa ciljevima;
 - 8) indikatori učinka;
 - 9) iznos sredstava koji se traži;

⁸ Službene novine Federacije BiH broj 87/22

⁹ Službene novine Federacije BiH broj 11/17

10) struktura sredstava finansiranja programa-projekta (sopstvena sredstva, donacije, sredstva iz budžeta Federacije BiH, sredstva iz budžeta općina i dr);

11) ovlašćeno – odgovorno lice za realizaciju programa;

12) rok realizacije projekta;

13) *potpis i pečat odgovornog lica korisnika sredstava.*¹⁰

(3) *Uz zahtjev iz stava (2) ovog člana, podnosilac zahtjeva prilaže:*¹¹

1) *izvod iz registra nadležnog ministarstva pravde,*

2) *posljednji godišnji obračun o finansijskom poslovanju koji je predat Finansijsko-informatičkoj agenciji,*

3) *dokaz da odgovorno lice korisnika sredstava nije osuđivano za krivična djela, osim za krivična djela iz oblasti saobraćaja,*

4) *ovjerena izjava pod punom materijalnom i krivičnom odgovornošću, kojom odgovorno lice korisnika sredstava, potvrđuje da nije aplicirao sa istim zahtjevom/projektom kod drugih nadležnih ministarstva na osnovu Uredbe u tekućoj kalendarskoj godini,*

5) *dokaze o realizovanim projektima,*

6) *drugi dokazi predviđeni konkursom člana 6. ove Uredbe.*

(4) *Svi zahtjevi za dodjelu sredstava koji ne budu sadržavali podatke i priloženu dokumentaciju propisanu ovom Uredbom i tekstom javnog konkursa, odbacit će se kao nepotpuni.*¹²

(5) *Svaki pojedinačni korisnik sredstava iz člana 2. stav (2) ove Uredbe, može po javnom konkursu koji u skladu sa ovom uredbom raspisuju nadležna ministarstva, aplicirati samo sa jednim zahtjevom za dodjelu sredstava iz oblasti čije se finansiranje predlaže.*¹³

Član 9.

(1) Rukovodioci nadležnih ministarstava će u svrhu provođenja konkursa iz člana 6. ove Uredbe imenovati Komisiju za ocjenu i bodovanje predloženih programa i projekata, koja će sačiniti prijedlog rang liste korisnika za dodjelu sredstava korisnicima.

(2) Odluku o raspodjeli sredstava korisnicima donosi Vlada Federacije Bosne i Hercegovine (u daljem tekstu: „Vlada“), na prijedlog nadležnih ministarstava koji se dostavlja najkasnije u roku od 90¹⁴ dana od dana isteka roka za podnošenje zahtjeva utvrđenog u javnom konkursu.

¹⁰ Službene novine Federacije BiH broj 87/22

¹¹ Službene novine Federacije BiH broj 87/22

¹² Službene novine Federacije BiH broj 11/17

¹³ Službene novine Federacije BiH broj 11/17

¹⁴ Službene novine Federacije BiH broj 11/17

- (3) Sastavni dio odluke iz stava 2. ovog člana je i rang lista korisnika iz stava 1. ovog člana.
- (4) *Nadležna ministarstava mogu na svojoj web stranici objaviti Odluku iz stava (2) ovog člana, kao i listu korisnika koji su imali nepotpunu prijavu na Javni konkurs.*¹⁵

Član 10.

- (1) Nadležna ministarstva su najkasnije u roku od **15** dana od dana stupanja na snagu odluke iz člana 9. stav 2. ove Uredbe, dužna zaključiti pojedinačne ugovore o dodjeli sredstava sa svim korisnicima kojima su sredstva dodjeljena.
- (2) Ugovori iz stava 1. ovog člana moraju sadržavati odredbu, prema kojoj će se utvrditi obaveza korisnika sredstava da u roku propisanom ovom Uredbom, dostave nadležnim ministarstvima izvještaj o namjenskom utrošku dodjeljenih sredstava.
- (3) Korisnici sredstava su dužni u prilogu izvještaja iz stava 2. ovog člana, dostaviti i vjerodostojnu dokumentaciju na osnovu koje se dokazuje namjenski utrošak sredstava, *pojedinačno za svaku stavku, u pismenom i/ili elektronskom obliku.*¹⁶

Član 11.

- (1) U svrhu realizacije odluke iz člana 9. stav 2. ove Uredbe, nadležna ministarstva su nakon zaključenja ugovora sa korisnicima dužna ministarstvu finansija dostaviti:
 - 1) jedan primjerak ugovora;
 - 2) odluku Vlade iz člana 9. stav 2. ove Uredbe;
 - 3) sve druge podatke o korisnicima, potrebne za uplatu dodjeljenih sredstava.
- (2) Ministarstvo finansija će svim korisnicima uplatiti sredstva u iznosima utvrđenim odlukama Vlade iz člana 9. stav 2. ove Uredbe, najkasnije u roku od 30 dana od dana dostave dokumentacije iz stava 1. tač. 1. do 3. ovog člana.

Član 12.¹⁷

- (1) *Udruženja građana i humanitarne organizacije, kojima su u skladu sa ovom Uredbom dodjeljena sredstva za finansiranje predloženih programa i projekata, dužna su do kraja kalendarske godine u kojoj su sredstva dodjeljena, dostaviti nadležnim ministarstvima izvještaj o namjenskom utrošku dodjeljenih sredstava.*

¹⁵ Službene novine Federacije BiH broj 87/22

¹⁶ Službene novine Federacije BiH broj 87/22

¹⁷ Službene novine Federacije BiH broj 87/22

- (2) Izuzetno od stava (1) ovog člana, ukoliko implementacija projekta korisnika sredstava traje do kraja kalendarske godine, izvještaj se nadležnom ministarstvu može dostaviti najkasnije do 15. januara naredne godine.*
- (3) Udruženja građana i humanitarne organizacije koji u roku iz st. (1) i (2) ovog člana, ne dostave izvještaj o utrošku sredstava ili se utvrdi da su dodijeljena sredstva utrošili suprotno namjeni ili nisu u potpunosti iskoristili dodijeljena sredstva ili se naknadno utvrdi da su s istim zahtjevom/projektom aplicirali kod drugih nadležnih ministarstva na osnovu Uredbe, dužni su na pismeni poziv komisije iz člana 9. stav (1) ove Uredbe, u roku od 8 dana, izvršiti povrat sredstava. Poziv obavezno mora da sadrži utvrđen iznos sredstava za povrat, račun Budžeta Federacije i obavještenje da će se, u slučaju nepostupanja po pozivu u datom roku, o navedenom obavjestiti Budžetska inspekcija Federacije Bosne i Hercegovine.*
- (4) Korisnici koji ne postupe po pozivu komisije iz stava (3) ovog člana, ne mogu ostvariti pravo na dodjelu sredstava u periodu naredne tri godine.*
- (5) Protiv udruženja građana i humanitarnih organizacija koji ne izvrše povrat dodijeljenih sredstava u skladu sa stavom (3) ovog člana, nadležno ministarstvo je dužno u skladu sa zakonom, kod nadležnih sudskih organa poduzeti odgovarajuće mjere.*
- (6) Nadležna ministarstva su dužna da najkasnije do 01. marta tekuće godine, dostave Vladi sveobuhvatnu informaciju o namjenskom utrošku sredstava dodijeljenih korisnicima u prethodnoj godini, kao i mjerama poduzetim u skladu sa stavom (3) ovog člana.*

POGLAVLJE III. – PRELAZNE I ZAVRŠNE ODREDBE

Član 13.

Izuzetno, odlukama Vlade iz člana 9. stav 2. ove Uredbe, pored sredstava iz člana 2. ove Uredbe, izvršiće se i raspodjela dijela prihoda po osnovu sredstava ostvarenog prometa Lutrije Bosne i Hercegovine, prikupljenih u skladu sa Zakonom i propisima koji su važili do dana stupanja na snagu Zakona iz člana 1. ove uredbe.

Član 14.

Ova Uredba stupa na snagu narednog dana od dana objavljivanja u „Službenim novinama Federacije BiH“, a primjenjivat će se od 01. Januara 2016. godine.